

UNIVERSITI SAINS MALAYSIA

PERMOHONAN PENERBITAN JURNAL BAHARU

Sila sediakan kertas cadangan permohonan penerbitan jurnal baharu berdasarkan butiran yang disenaraikan di bawah. Kertas cadangan ini akan dibentangkan kepada Jawatankuasa Penerbitan Universiti untuk pertimbangan dan kelulusan. Pandangan penilai luar tentang keberkesanan menerbitkan jurnal baharu berdasarkan kertas cadangan tersebut kemungkinan akan diperoleh.

1. Latar belakang

- Maklumat tentang bidang jurnal dan pembangunan masa hadapan
- Penerangan tentang skop bidang tersebut secara terperinci

2. Tajuk jurnal (berikan cadangan nama jurnal)

3. Matlamat dan skop

Penerangan tentang matlamat dan skop editorial jurnal tersebut yang merangkumi butiran berikut dan/atau maklumat-maklumat lain yang berkaitan.

- Tujuan jurnal ini diterbitkan
- Disiplin yang dirangkumi (atau silang/rentas disiplin)
- Isi kandungan
- Keistimewaan jurnal

4. Rasional penerbitan jurnal

- Mengapakah jurnal ini perlu diterbitkan?
- Apakah perbezaan atau kelebihan jurnal ini berbanding jurnal-jurnal sedia ada yang diterbitkan oleh Penerbit Universiti Sains Malaysia?
- Apakah perbezaan atau kelebihan jurnal ini berbanding jurnal-jurnal berkaitan yang sedia ada dan lebih mantap yang terdapat dalam pasaran?
- Siapakah bakal pembaca jurnal ini?
- Jurnal ini digalakkan mempunyai penulis dan rujukan daripada institusi dan rantau berbeza: Perincikan strategi-strategi yang akan digunakan untuk menjana sumbangan artikel berkualiti tinggi yang memenuhi kriteria ini.

5. Struktur Sidang Pengarang

Mempunyai sekurang-kurangnya 30% keanggotaan antarabangsa selaras dengan garis panduan penerbitan jurnal oleh Pusat Sitasi Malaysia.

- Mencadangkan calon-calon Ketua Sidang Pengarang.
- Mencadangkan calon-calon Ahli Sidang Pengarang dan nyatakan afiliasi mereka.
- Mengemukakan cadangan aliran pengurusan jurnal ini.
- Mengemukakan sistem pewasitan makalah yang akan digunakan.

6. Isi kandungan/sumbangan

Sumbangan oleh penulis daripada negara-negara membangun amat digalakkan.

- Senaraikan contoh tajuk yang akan diterbitkan dalam jurnal ini.
- Nyatakan jenis penerbitan yang akan diterbitkan dalam jurnal ini. Cth: kertas penyelidikan, kertas ulasan, kajian kes, komunikasi ringkas, surat, laporan persidangan dan sebagainya.

7. Pemasaran

Penilaian keberkesanan penerbitan jurnal ini juga bergantung kepada kebolehpasarannya.

- Adakah wujud pasaran untuk jurnal ini?
- Siapakah yang akan melanggan jurnal ini?
- Apakah bidang mereka?
- Berapakah saiz keseluruhan pasaran yang dijangka akan melanggan jurnal ini, dari segi bilangan individu dan institusi (seperti perpustakaan, organisasi, dsb.)? Sila senaraikan.
- Sila berikan senarai pasaran antarabangsa.
- Adakah pasaran tersebut tertakluk kepada pasaran pada peringkat akademik sahaja atau meliputi peringkat profesional. Sila huraikan jika ada pasaran bukan akademik.
- Sila berikan cadangan bagaimana pasaran antarabangsa untuk jurnal ini dapat ditembusi.
- Apakah jenis persidangan yang paling relevan dihadiri oleh bakal pembaca?
- Apakah jenis persatuan yang relevan dengan bakal pembaca?

8. Penerbitan

- Nyatakan cadangan kekerapan penerbitan jurnal ini (isu/tahun).
- Cadangkan format dan saiz tertentu yang diperlukan.
- Adakah jurnal ini akan diterbitkan dalam bentuk bercetak atau dalam talian atau keduanya?
- Adakah jurnal ini memerlukan ciri-ciri tipografi dan reka bentuk yang istimewa?
- Adakah jurnal ini memerlukan ilustrasi dan gambar foto?

9. Proses penilaian

Sila berikan nama, alamat emel dan pos empat atau lima orang pakar yang dicadangkan daripada bidang subjek yang berkaitan yang boleh memberikan pandangan tentang bidang jurnal ini. Nama-nama tersebut juga boleh termasuk calon Ahli Sidang Pengarang. Untuk makluman, tidak semestinya kesemua nama yang dicadangkan akan dihubungi, dan mungkin orang yang tiada dalam senarai akan juga dihubungi.

GARIS PANDUAN PENERBITAN JURNAL UNIVERSITI SAINS MALAYSIA

1. Pewasitan (*Peer-reviewed*)

USM hanya akan menerbitkan jurnal yang berwasit. Setiap makalah memerlukan sekurang-kurangnya dua orang pewasit dan proses pewasitan dijalani melalui kaedah “rahsia” (*blind review*). Sidang Pengarang bertanggungjawab daripada segi:

- pemilihan pewasit yang sesuai
- menguruskan proses pewasitan
- menentukan had masa yang sesuai (*deadlines*)
- kerahsiaan (*confidentiality*)
- memastikan makalah diwasit secara menyeluruh (*thoroughness*)

Sidang Pengarang perlu menyediakan borang laporan pewasitan yang lengkap yang menyatakan dengan jelas kriteria pewasitan, cth. ulasan (*informative reviews*).

2. Ketepatan Masa (*Timeliness*)

Setiap jurnal perlu diterbitkan pada masa dan frekuensi yang telah ditetapkan.

3. Piawaian Penerbitan Antarabangsa (*International Publication Standards*)

Setiap jurnal perlu mematuhi piawaian penerbitan antarabangsa seperti berikut:

- data bibliografi lengkap (*detailed bibliographic data*)
- tatabahasa yang betul (*grammatically correct*)
- penggunaan istilah yang tepat
- gaya yang konsisten yang telah dipersetujui oleh Penerbit USM dengan Sidang Pengarang jurnal
- kebolehbacaan (*readability*)

4. Bahasa (*Language*)

USM akan menerbitkan jurnal yang memuatkan makalah dalam bahasa Malaysia dan bahasa Inggeris. Makalah dalam bahasa Malaysia diwajibkan mempunyai tajuk, abstrak, kata kunci dan senarai rujukan yang diterjemahkan ke dalam bahasa Inggeris.

5. Kualiti Kandungan Jurnal (*Quality of Journal's Content*)

Mempunyai objektif dan skop yang jelas, iaitu menerbitkan makalah berdasarkan penyelidikan dan kajian ilmiah. Makalah berkualiti tinggi berdasarkan faktor-faktor seperti berikut perlu dipertimbangkan untuk penerbitan:

- kesahihan (*validity*)
- kepentingan (*importance*)
- keaslian (*originality*)
- sumbangan (*contribution to knowledge*)
- ketepatan (*accuracy*)
- Boleh dipercayai (*credible*)

Digalakkan mempunyai ruang untuk *retractions*, komen dan pendapat bercanggah (*dissenting opinions*).

6. Tanggungjawab Ketua Sidang Pengarang

Ketua Sidang Pengarang mempunyai tanggungjawab seperti berikut:

- menentukan dasar dan pembangunan jurnal
- melakukan perolehan makalah berkualiti yang relevan dengan skop dan matlamat jurnal
- memilih makalah secara adil tanpa bias atau tekanan luaran (*external pressure*)
- tidak mempunyai percanggahan minat (*conflict of interest*)
- memilih pewasit dan menguruskan proses pewasitan
- menetapkan piawaian etika daripada segi plagiarisme, penerbitan duplikasi dan keputusan palsu (*falsified results*)

7. Ahli Sidang Pengarang (*Editorial Board Members*)

Ahli Sidang Pengarang terdiri daripada pakar dalam bidang masing-masing dan memaparkan kepelbagaian antarabangsa (*international diversity*). Diketuai oleh seorang Ketua Sidang Pengarang yang berwibawa dan mempunyai sumbangan cemerlang dalam bidangnya. Ketua Sidang Pengarang akan dilantik oleh Naib Canselor selama tiga tahun berdasarkan prestasi dan komitmen terhadap jurnal dan perakuan oleh Dekan atau Jawatankuasa Penerbitan Universiti.

8. Audit Editorial Tahunan (*Annual Editorial Audits*)

Sebagai langkah memantau kualiti jurnal, Ketua Sidang Pengarang perlu melaporkan audit editorial tahunan kepada Jawatankuasa Penerbitan Universiti daripada segi:

- jumlah bilangan makalah diterima
- kadar penerimaan
- purata masa yang diperlukan (*average turn-around time*) untuk suatu makalah dari proses penyerahan (*submission*) sehingga penerimaan/penolakan (*acceptance/rejection*)
- purata masa yang diperlukan (*average turn-around time*) untuk penerbitan sesuatu makalah

9. Pemindahan Hak Cipta (*Copyright Transfer*)

Pengarang perlu menandatangani borang pemindahan hak cipta. Penerbit USM akan memelihara hak harta intelek pengarang melalui pemindahan hak cipta tersebut.

10. Pengindeksan ke dalam Pangkalan Data Web of Science dan/atau Scopus

Jurnal yang diterbitkan oleh Pusat Tanggungjawab (PTJ) perlu diindekskan ke dalam pangkalan data Web of Science dan/atau Scopus, atau pangkalan data yang diakui setara dalam tempoh lima tahun selepas mula terbit. Sekiranya hal ini tidak tercapai dalam tempoh tersebut, Jawatankuasa Penerbitan Universiti mengesyorkan jurnal terbabit diberhentikan penerbitannya atau bergabung dengan jurnal-jurnal USM yang telah diindekskan dalam pangkalan data tertentu.